



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

1596

Broj: 02- 45-4995 /22
Zenica, 04.03.2022. godine

Gradsko vijeće
Predsjedavajući g. MIRZA HUSETIĆ
OVDJE

Predmet: Informacija, dostavlja se

Poštovani,

Gradska uprava je s ciljem pravilnog postupanja kod realizacije Odluke o izvršavanju Budžeta Grada Zenica za 2021. godinu broj: 01-11-23798/21 od 18.11.2021. godine uputila upit Federalnom ministarstvu financija/finansija. Na upit je dostavljen Odgovor Ministarstva br. 13/08-02-3-233/22 od 23.02.2022. godine, koji Vam prosljeđujemo radi dostavljanja i upoznavanja Gradskog vijeća.

S poštovanjem,

Prilog: 1x Akt Federalnog ministarstva finansija-financija.



GRADONAČELNIK,
Fuad Kasumović

Broj: 13/08-02-3-233/22
Datum: 23.02.2022. godine

1958

Redni broj	Redni broj	Redni broj	Redni broj
02	45-24172/21		

28-02-2022

BOSNA I HERCEGOVINA

FEDERACIJA BIH

ZENIČKO-DOBOJSKI KANTON

GRAD ZENICA

72000 ZENICA

Trg BiH 6

-05-21

FATIMA V.

INFORMISATI ME

PREDMET: Odgovor, dostavlja se

VEZA: Vaš Zahtjev broj: 02-45-24172/21 od 02.02.2022. godine

U Zahtjevu, broj i datum kao u vezi, tražili ste mišljenje o uplati javnih prihoda. Navodite da je Odlukom o izmjenama i dopunama Odluke o izvršavanju Budžeta Grada Zenice za 2021. godinu broj: 01-11-23798/21 od 18.11.2021. godine, Gradsko vijeće Zenica u članu 4. izvršilo izmjenu kojom „sredstava predviđena na ekonomskom kodu 614300, pozicija „Transfer NK Čelik Zenica po osnovu Sporazuma, broj: 02-45-22621/20 od 12.11.2020. godine, potpisanog između Grada Zenica i NK Čelik Zenica“ biti doznačena NK Čelik Zenica na račun Omladinske škole NK Čelik u skladu sa članom 2. stav 3. potpisanog Sporazuma, a u roku od 10 dana od usvajanja Izmjena i dopuna Budžeta Grada Zenica za 2021. godinu. S obzirom na to da je NK Čelik Zenica ima blokiran račun zbog poreznih dugovanja, a da je Odluka o izmjenama i dopunama Odluke o izvršavanju Budžeta Grada Zenica izvršni akt kojim je Gradskoj upravi naložena realizacije sredstava za korist NK Čelik Zenica na način da se ista uplate na račun UG Škole nogometa NK Čelik Zenica, tražili ste mišljenje da li Gradska uprava može izvršiti realizaciju uplate navedenih sredstava. Također, navodite da vam je potrebna informacija da li je navedena transakcija u skladu sa zakonom, i da li se može izvršiti uplata javnih prihoda, u konkretnom slučaju, sredstava budžeta Grada, na račun subjekta kojem je blokiran račun, te pri tome posluju preko računa drugog subjekta (UG Škole nogometa NK Čelik) na osnovu ugovora o poslovno-tehničko saradnji.

Shodno navedenom, u skladu sa članom 96. Zakona o Poreznoj upravi Federacije BiH („Službene novine Federacije BiH“, br. 33/02, 28/04, 57/09, 40/10, 27/12, 7/13, 71/14 i 91/15), ističemo sljedeće:

U skladu sa članom 6. stav (1) Zakona o unutrašnjem platnom prometu („Službene novine Federacije BiH“, broj 48/15 i ispravka 79/15), poslovni subjekti su dužni za potrebe plaćanja otvoriti račune u ovlaštenim organizacijama i novčana sredstva su dužni voditi na tim računima i vršiti plaćanja preko računa u skladu sa ovim

671
02-03-2022

zakonom i zakonom koji uređuje platne transakcije. Međusobna prava i obaveze uređuju zaključivanjem ugovora o otvaranju i vođenju računa.

Napominjemo, shodno članu 20. istog Zakona, poslovnim subjektima je zabranjeno da izmiruju svoje obaveze gotovim novcem ako imaju blokirane račune u skladu sa ovim zakonom ili ako je u suprotnosti sa Uredbom o uslovima i načinu plaćanja gotovim novcem („Službene novine Federacije BiH“, br. 72/15 i 82/15), a gotov novac ostvaren obavljanjem registrovane djelatnosti dužni su položiti na račune u ovlaštenim organizacijama u skladu sa navedenom Uredbom. Također, članom 22. stav (3) Zakona platiocu je zabranjeno plaćanje preko računa kod ovlaštenih organizacija, ako ima blokirane račune.

Prilikom izvršavanja naloga za prinudnu naplatu ovlaštena organizacija za obavljanje poslova unutrašnjeg platnog prometa dužna je da evidentira i izvršava naloge, nakon osiguranja pokrića, prema redoslijedu prioriteta, kako je to propisano u članu 23. Zakona o unutrašnjem platnom prometu.

S aspekta mogućnosti da obaveze za porez i doprinose izmiruje drugo lice umjesto dužnika ukazujemo na odredbu člana 8. Pravilnika o procedurama prinudne naplate poreznih obaveza („Službene novine Federacije BiH“, br. 50/02, 54/03, 31/11, 38/16 i 69/17), u kojoj je propisano da plaćanje obaveze može izvršiti svako lice umjesto dužnika, bez obzira na interes kojeg obveznik može imati u pogledu izvršavanja te obaveze. Lice koje plaća dužnikovu obavezu nema pravo da uživa prava dužnika kao što je pravo podnošenja žalbe na utvrđenu obavezu ili bilo koje drugo pravo koje pripada dužniku, iz čega proizlazi da porezne obaveze u ime poreznog dužnika može platiti drugo lice za obaveze u postupku prinudne naplate.

Prilikom uplate dužne obaveze u postupku prinudne naplate poreznih obaveza kada obavezu umjesto dužnika vrši drugo lice (fizičko ili pravno lice), shodno poglavlju 11. Ostale odredbe, tačka 11.13. Pravilnika o načinu uplate, pripadnosti i raspodjele javnih prihoda u Federaciji BiH („Službene novine Federacije BiH“, br. 54/20, 55/20-isppravka, 63/20, 88/20, 28/21, 56/21, 83/21 i 1/22), uplatilac u polje 9. Identifikacioni broj: upisuje svoj identifikacioni broj, a Poreznoj upravi dostavlja pisani ugovor o uplati dužnih obaveza u ime i za račun dužnika porezne obaveze. Također, prilikom popunjavanja platnog naloga potrebno je naznačiti da je uplata prinudna – naplata po rješenju ili odluci, koristeći oznaku 1 u polju 10 (Vrsta uplate) platnog naloga.

Shodno navedenom, treće lice može plaćati obaveze dužnika koje se nalaze u postupku prinudne naplate, dok je transakcije vezano za redovno poslovanje porezni obveznik dužan voditi putem svog glavnog transakcijskog računa shodno Zakonu o unutrašnjem platnom prometu, a svako drugačije postupanje je suprotno važećim zakonskim propisima.

S poštovanjem,

Dostavljeno:

1. naslovu
2. u dosije
3. a/a

